



SELJE KOMMUNE

Råd for menneske med nedsett funksjonsevne

Møtebok

Møtedato: 09.04.2015

Møtetid: Kl. 13:00 – 14:30

Møtested: Kommunehuset, 2. etg.

Saksnr.: 001/15 - 005/15

Følgjande medlemmer møtte

Per Sandviknes (leiar), Grete Solborg Fure, Eva Janne T. Årvik.

Følgjande medlemmer møtte ikkje

Harald Hansen (hadde gjeve melding)

Gunn V. Helgesen (melding om forfall til møtet ikkje registrert)

Følgjande varamedlemmer møtte

Ann Kathrin Ervik

Følgjande frå administrasjonen møtte

Rådgjever Svein Barmen, som og førte møteboka. I tillegg møtte rådmann Ørnulf Lillestøl.

Merknad til innkallinga

Ingen

Merknad til saklista

Ingen

3 voterande

Følgjande saker vart handsama

Sak nr.	Sakstittel
001/15	Godkjenning av møtebok
002/15	Referatsaker
003/15	Årsmelding 2014 - Rådet for menneske med nedsett funksjonsevne
004/15	Legekantor på Stadlandet
005/15	Politisk organisering

Tilleggsaker: Ingen

Utskrift protokoll: Medlemmar, møtande varamedlemmar, biblioteka, abonnentar

Utskrift møtebok: Abonnentar, kontrollutvalet, kommunekassa, revisor

Signatur: _____



SELJE KOMMUNE

SAKSGANG		
Styre, råd, utval	Møtedato	Saksnr
Råd for menneske med nedsett funksjonsevne	09.04.2015	001/15

Sakshandsamar: Unni Eltvik Hovden	Arkiv: FE-	Arkivsaknr 15/215
---	----------------------	-----------------------------

Godkjenning av møtebok

TILRÅDING FRÅ ADMINISTRASJONEN:

Møteboka frå møte 08.12.14 vert godkjent slik den ligg føre.

Dok.dato	Tittel	Dok.ID
31.03.2015	Møtebok RFF 08.12.14.pdf	64595

Handsaming i Råd for menneske med nedsett funksjonsevne - 09.04.2015

3 voterande

RFF-001/15 VEDTAK

Møteboka frå møte 08.12.14 vert godkjent slik den ligg føre.

Samrøystes.



SELJE KOMMUNE

SAKSGANG		
Styre, råd, utval	Møtedato	Saksnr
Råd for menneske med nedsett funksjonsevne	09.04.2015	002/15

Sakshandsamar: Unni Eltvik Hovden	Arkiv: FE-	Arkivsaknr 15/214
---	----------------------	-----------------------------

Referatsaker

Refererte skriv og meldingar:

Nr	Dok.ID	T	Dok.dato	Avsender/Mottaker	Tittel
1	15/421	I	26.01.2015	Bufdir - Barne- Ungdoms og Familiesenteret	Informasjonsskriv - Kommunenes og fylkeskommunenes ansvar og oppgaver for rådet for personer med nedsatt funksjonsevne

Tilleggsreferat:

TILRÅDING FRÅ ADMINISTRASJONEN

Referatsaker vert tekne til etterretning slik dei ligg føre.

Handsaming i Råd for menneske med nedsett funksjonsevne - 09.04.2015

3 voterande

RFF-002/15 VEDTAK

Referatsaker vert tekne til etterretning slik dei ligg føre.

Samrøystes.



SELJE KOMMUNE

SAKSGANG

Styre, råd, utval	Møtedato	Saksnr
Råd for menneske med nedsett funksjonsevne	09.04.2015	003/15

Sakshandsamar	Arkiv	Arkivsak
Svein Barmen	FE-210	15/225

Årsmelding 2014 - Rådet for menneske med nedsett funksjonsevne

Dokumentliste

Nr	T	Dok.dato	Avsender/Mottaker	Tittel
2	I	08.04.2015	Svein Barmen	Årsmelding 2014

Vedlegg i saka

Dok.dato	Tittel	Dok.ID
09.04.2015	Årsmelding for 2014.pdf	64781

Saka gjeld

Årsmelding for 2014

Lover/regelverk

Vedtakter for Råd for menneske med nedsett funksjonsevne

Saksgang

Referatsak i Kommuestyret

TILRÅDING FRÅ ADMINISTRASJONEN

Årsmeldinga vert godkjent slik den ligg føre

Handsaming i Råd for menneske med nedsett funksjonsevne - 09.04.2015

3 voterande

Røysting:

Tilråding frå administrasjonen fekk 3 røyster for. Samrøystes.

RFF-003/15 VEDTAK

Årsmeldinga vert godkjent slik den ligg føre.

Samrøystes.

Utskrift til:

Kommunestyret



SELJE KOMMUNE

SAKSGANG		
Styre, råd, utval	Møtedato	Saksnr
Formannskapet	18.03.2015	018/15
Driftsutvalet	08.04.2015	018/15
Eldrerådet	09.04.2015	004/15
Råd for menneske med nedsett funksjonsevne	09.04.2015	004/15
Formannskapet	15.04.2015	026/15
Kommunestyret	27.04.2015	

Sakshandsamar Ørnulf Lillestøl	Arkiv FE-614	Arkivsak 12/1117
--	------------------------	----------------------------

Legekantor på Stadlandet

Dokumentliste

Nr	T	Dok.dato	Avsender/Mottaker	Tittel
1	U	26.10.2012	Dragebygg AS; Bygger`n Selje; Nordvestvinduet; Bygg og byggvarer AS; XL-BYGG Måløy	Prisførespurnad dører og vindauger
2	I	28.04.2013	Stadlandet VVS AS	Tilbud varmtvannsberedarar
3	I	28.07.2014	Dragebygg AS	Tilbod på oppgradering av Stadlandet legekantor
4	I	05.11.2014	Gunn Sande	Teikning - Forslag til enkel ombygging og forbedring av Stadlandet legekantor
7	I	09.03.2015	Rådmann Ørnulf Lillestøl	Rekneark revisjon 3 - Stadlandet legekantor
8	I	13.03.2015	Selje eldreråd v/Johan Kroken	Vedk. F-sak 018/15 Legekantor på Stadlandet
9	I	17.03.2015	Stadlandet bedriftsforening	Vedk. sak FS 018/15 - Legekantor på Stadlandet
10	I	18.03.2015	Helsesekretærene på legekantora	Presisering vedk. sak FS 078/14

Vedlegg i saka

Dok.dato	Tittel	Dok.ID
11.03.2015	Budsjett oppgradering rev 3 -Stadlandet Legekantor -	63928

	03032015.xlsx	
14.04.2014	Nedlegging Stadlandet legekantor	54959
04.12.2014	61173_1_P (Lagret automatisk).doc	61177

Saka gjeld

Sidan legekantoret på Stadlandet vart mellombels stengt sumaren 2014, har det vore arbeidd med å klarleggje kva utbetringar som må gjennomførast for å kunne gjenopne kantoret. Kommunestyret har i sak 078/14.. vedteke;

KS-VEDTAK

Eldrerådet og Rådet for menneske med nedsett funksjonsevne vil påpeike at sak 15/14 «Evaluering av eitt legekantor i Selje kommune» ikkje er tilfredsstillande saksutgreidd.

M.a. er fleire av innspela i saka ikkje vurdert.

Råda vil difor tilrå at prøveperioden vert utvida til 29.03.15, veke 13/2015.

Saka vert difor å ta opp att i god tid før prøveperioden er ute, slik at kantoret eventuelt kan opnast 01.04.15.

Saka vert difor å ta opp igjen i kommunestyret i februar, slik at kantoret eventuelt kan opnast 01.04.15.

Administrasjonen er no litt på etterskot (eit kommunestyremøte) når saka no vert førebudd for handsaming i kommunestyret i april. Dette har si årsak i skifte av rådmann og ynskje om å kunne gå inn i saka med grunnlag for evt ny vurdering og tilråding. Rådmannen ynskjer at denne saka no vert handsama i formannskapet i mars, slik at evt innspel derifrå kan innarbeidast i sak til kommunestyret.

Opplysningar til saka

Saka er relativt grundig utgreidd med tanke på å opne eit legekantor som stettar dagens krav til arbeidsmiljø og pasientsikkerheit. Dette er framlagt kommunestyret tidlegare bl.a i ksak 078/14 om evaluering av eit legekantor i kommunen. Tilsette og legane er relativt samstemte i at det vil vere ein fordel å drive legeteneste frå eit kontor i kommunen. Administrasjonen og rådmannen er tydeleg på at det å drive ei robust legeteneste er utfordrande i mindre kommunar som Selje. Det å drive legeteneste frå to kontor vil svekke fagmiljø, beredskap og derved kvalitet for alle pasientane.

Problemstillinga vert aktualisert no ved at kantoret på Stadt treng utbetringar. Det er gjennomført fleire vurderingar om kva krav vi må sette til fysisk utforming av eit legekantor. Rådmannen har vurdert utgreiingane av behov for utbetringar av kantoret. Desse er grundige og vil støtte krav sett til arbeidsmiljø og pasientsikkerheit.

Love/regelverk

Aml kap 4

Forskrift om offentlige anskaffelser

Fvl spesielt § 13

Helsepersonellova spesielt § 21

Diskriminerings og likestillingslova (tilgjenge)

Finansiering

Kommunestyret må utfrå eigen prioritering handsame sak om prioritering innanfor totalbudsjettet for finansiering av ombygging/utbetring.

Sakshandsamar si vurdering

Saka er utfordrande for rådmannen. Utfordringane er ikkje spesielt knytta til spørsmålet om å ha legekontor på Stadtlandet, men usemje og usikkerheit knytt til kostnader ved å utbetre kontoret. I berekningane administrasjonen tidlegare har utarbeida kjem det fram eit kostnadsnivå på kring 1,5 mill for å utbetre kontoret til akseptabel standard. Andre har rekna på det same og presenterer kostnader som ligg langt lågare.

Rådmannen vurderer behov for utbetringar etter fylgjande prioritet;

Må – utbetringar

1. Sikring av teieplikt etter fvl og helsepersonellova
2. Sikring av tilgjenge etter diskriminerings og likestillingslova
3. Sikring av minimumskrav etter arbeidsmiljølova (varme, lys, ventilasjon, sikkerheit)
4. Hygiene (rein/urein sone, kjøkken/spiserom, lab mv)

Bør – utbetringar

5. Skifte varmelegg (høge driftskostnader i eksisterande)
6. Generell oppussing (golvbelegg, maling osv)
7. Funksjonalitet utover krav i må utbetringar
8. Etablering av tilkomst/areal til akuttberedskap/daglegevakt

Må- utbetringane fylgjer direkte av lovgjevinga. Vi kan ikkje drive eit legekontor utan at tilsette er trygg på at pasientar og/eller dei sjølv har kontroll på informasjon som vert formidla på kontoret. Dette betyr at alle kontor og areal pasientar oppheld seg saman med helsepersonell må vere lydsikra. Det betyr også at alle informasjon må oppbevarast sikkert.

Diskriminerings og likestillingslova seier «så langt det er muleg» om tilgjenge og tilrettelegging. I dette tilfellet er det muleg, og det vil medføre utbetringar av tilkomst og storleik på rom/korridorar og wc.

Arbeidsmiljølova skisserer ei rekkje krav til det fysiske arbeidsmiljøet. I kontakt med arbeidstilsynet er situasjonen med gjenopning av eit kontor som har vore i drift drøfta. På bakgrunn av desse drøftingane er punkta 3 og 4 sett under «må» utbetringar over.

I tidlegare utgreiingar er ein del krav og areal knytta til øh – funksjonar ved å leggje daglegevakt til areala. Pga kostnader ved å gje dette tilbodet her, er dette flytta ned på prioriteringslista. For å unngå kostnader til dette, vil lege i arbeid ved dette kontoret ikkje ha legevakt. Vi vil då også ikkje ha tilsvarande behov for å ha to legar i arbeid ved kontoret.

I forskrift om offentlege anskaffelser er framgangsmåte ved bla bygge og utbedringsarbeider omtalt. Det er her ulike terskelverdier som gir ulike krav til framgangsmåte. Til grunn for val av framgangsmåte ligg då eit anslag av kostnader ved arbeidet. Dette anslaget er kalkulert i tidlegare saksutgreiing. Investeringskostnader til ulike delar ligg ved denne saka. Etter førebels ny kalkulasjon for å stette lovmessige krav samt å ta ut legevakttilbod her, vil storleik kostnader vere om lag ein million Etter forskrifta vil det krevje innhenting av pristilbod frå minimum tre godkjendte leverandørar og offentleggjering i Doffin.

Rådmannen oppfatter at kommunestyret har eit sterkt ynskje om å gjenopne legekantoret på Stadt. Før det kan skje må kantoret utbetrast.

Framdrift

1. Kommunestyret vurderer saka på ny. I denne vurderinga må kommunestyret ta stilling til faktisk gjennomføring av prosjektet.
2. Dersom kommunestyret vedtek å gjennomføre utbetringar med tanke på gjenopning, førebur administrasjonen ein kravspesifikasjon som inneheldt utbetringar slik at lovmessige krav vert stetta.
3. Det vert innhenta anbod/arbeidet vert lagt ut for konkurranse etter reglane i Forskrift for offentlige anskaffelser (FOR-2006-04-07-402)
4. Når prisar er innhenta vert desse handsama på ordinær måte etter forskrifta. Før det vert inngått kontrakt på arbeidet må kommunestyret sikre finansiering. Dette må handsamast som del av arbeidet med budsjettrevisjon.

Konklusjon

Formannskapet vurderer saka på grunnlag av nye opplysningar og gjev administrasjonen innspel i høve vidare utgreiing. Kommunestyret i april må ta stilling til om arbeid med anbudsgrunnlag/innhenting av prisar skal gjennomførast.

Saksgang

Formannskap 18. mars og 15. april. Kommunestyre 27. april.

TILRÅDING FRÅ ADMINISTRASJONEN

.....

Handsaming i Formannskapet - 18.03.2015

7 voterande

E-post, dat. 16.03.15, m/vedlegg frå Stadlandet Bedriftsforening vart lagt fram i møtet.

Saksgang - endring

Eldrerådet og Rådet for menneske med nedsett funksjonsevne skal handsame /gje uttale i avtalt nytt møte 09.04.15

Formannskapet 15.04.15

Kommunestyret 27.04.15

Framlegg frå ordførar

Saka vart drøfta. Formannskapet gav innspel til vidare utgreiing.

Røysting

Framlegg frå ordførar fekk 7 røyster for. Samrøystes.

FS-018/15 FRAMLEGG

Saka vart drøfta. Formannskapet gav innspel til vidare utgreiing.

Innspel etter formannskapsmøte 18. mars.

Prinsipp ved å leggje prosjektet ut på anbud.

Formannskapet retta spørsmål om det er muleg å dele opp prosjektet slik at det vert betre tilpassa ynskje om å kunne bidra med dugnad/gåver mv. Eksempelvis ved å ta ut delar av fast inventar (kjøkken). Forskrifta er tydelege på at prosjekt ikkje skal delast opp for å redusere omfanget. Eit anna spørsmål var korleis eit anbud som baserer seg på delvis dugnad dvs ubetalt arbeidskraft vil verte vurdert samanhalde med andre anbud.

Vi har her samråda oss med jurist på feltet. Det grunnleggjande prinsippet er at konkurransegrunnlaget skal vere likt for alle potensielle anbydarar. Det vert fråråda å ta inn dugnad eller uløna arbeidskraft. Byggherre har ansvar for å sikre at HMS regelverk, lønnsvilkår osv stettar forskriftene sine krav. Dersom dette vert oppfatta som sosial dumping vil det uansett vere ulovleg. Dette kan vere tilfelle når ulike firma kan verte utkonkurrert (delvis) av uløna arbeidskraft.

Finansiering

Eit anna av spørsmåla formannskapet ynskta utgreidd var finansiering av utbetringane. Dette er eit vanskeleg tema slik den økonomiske situasjonen no er. Dersom dette skal la seg gjere må det vurderast som ein del av budsjettrevisjon i juni møtet i kommunestyret. Spørsmål om låneopptak til dette føremålet er også drøfta med fylkesmannen. Det er i utgangspunktet lagt begrensningar på låneopptak og spesielt til investeringar som ikkje medfører reduserte driftskostnader. Spørsmålet må realitetshandsamast konkret men signalet er at det ikkje vil verte godkjendt låneopptak til dette føremålet då det heller vil auke enn redusere driftskostnader.

Før prosjektet vert lagt ut for anbud skal oppdragsgjevar ha sikra finansiering dvs vere trygg på at prosjektet let seg gjennomføre. I høve budsjett 2015 kan rådmannen no ikkje konkret fremje forslag på inndekking av kostnadene.

Drift

Eit anna spørsmål knytta til opning av legekantoret er konsekvensar for drift. Å drifte sjølve kantoret har kostnader på om lag; Straum: 70.000,- (inkl. mva), Kommunale avgifter: 10.000,- (inkl. mva) , Brøyting: 5.000,-, Reinhald: 25.000,-, løpande vedlikehald 10.000,- Det må etablerast ein betalingsterminal om lag som den på Selje legekantor med kostnad ca 60.000,- i året (5000,-/mnd)

Slik fordelinga no er av legeressursar kan onsdag som kontordag på Stadt vere vanskeleg då vi har i periodar berre ein av tre legar i kurativ teneste då. Ved å sikre legevakt på Selje legekantor må denne legedagen (onsdagar) flyttast. Rådmannen oppfattar at det er viktigast å sikre to legedagar ved kantoret i veka.

I formannskapet kom det også fram synspunkt om at administrasjonen/kommunen må verte betre til å ivareta det engasjementet og ynskjet om å bidra som ligg i lokalsamfunnet når det gjeld å få opna og drifta legekantoret på Stadt. Rådmannen har

vurdert dette innspelet både med tanke på å dele opp prosjektet, å vurdere positivt tilbud som inkluderer dugnad/uløna arbeidskraft og andre alternativ. I formannskapet kom det også spørsmål om det kan vere eit alternativ å overdra bygget til andre/private som rustar opp bygget. Kommunen kan då inngå leigeavtale for drift av legekontor. I utgangspunktet vil det vere det beste om kommunen sjølv har hand om bygget som eigar. Dette er ei svært viktig teneste som krev areal kommunen har best mogeleg «kontroll» på. På bakgrunn av dei økonomiske vanskane vi har som kommune og dei bindingane kommunen er pålagt i høve å gjennomføre anbudsprosessar, kan dette likevel vere einaste måten å no få realisert kommunestyret sitt vedtak om å opne kontoret. Dette forutset at vi har ein interessent som kan påta seg oppgåva med å ruste opp og stå som eigar av bygget. På denne måten kan ein både sikre medvirkning frå lokalsamfunnet og sikre finansiering av investeringane som er naudsynte. I forkant vil kommunen då spesifisere krav til kvalitetar i bygget som gjort i vedlegg til sak i forrige formannskap. Då dette er ei såpass krevjande sak (av prinsipiell betydning jmf kommunelova) vil det vere naturleg at inngåing av leigeavtale og vilkår vert eigen sak delegert til formannskapet.

Handsaming i Driftsutvalet - 08.04.2015

6 voterande

Framlegg frå TP:

TP går inn for eitt legekontor i Selje kommune. Ein er vidare i mot å avhende bygningssmassen med den hensikt å drifte kommunalt finansiert legekontor.

Røysting:

Framlegg frå TP fekk 3 røyster for og 3 røyster mot.

Leiaren si dobbelrøyst gjorde at framlegget frå TP falt.

KU-018/15 FRAMLEGG

Som framlegg frå Formannskapet 18.03.15

Handsaming i Råd for menneske med nedsett funksjonsevne - 09.04.2015

3 voterande

Framlegg frå Rådet for menneske med nedsett funksjonsevne:

Ideelt sett ønskjer vi 2 legekontor i Selje kommune.

Ut frå utfordringar i kommuneøkonomi og samfunnsutvikling som utfordrar drifta er det viktig at vi no ikkje rustar opp eit nytt doktorkontor for så å legge det ned igjen.

Det som er viktig er at enkle doktortjenester vert nær brukaren.

Røysting:

Framlegg frå Rådet fekk 3 røyster for. Samrøystes.

RFF-004/15 VEDTAK

Ideelt sett ønskjer vi 2 legekontor i Selje kommune.

Ut frå utfordringar i kommuneøkonomi og samfunnsutvikling som utfordrar drifta er det viktig at vi no ikkje rustar opp eit nytt doktorkontor for så å legge det ned igjen.

Det som er viktig er at enkle doktortjenester vert nær brukaren.

Samrøystes.



SELJE KOMMUNE

SAKSGANG		
Styre, råd, utval	Møtedato	Saksnr
Driftsutvalet	08.04.2015	017/15
Råd for menneske med nedsett funksjonsevne	09.04.2015	005/15
Eldrerådet	09.04.2015	005/15
Formannskapet	15.04.2015	033/15
Kommunestyret	27.04.2015	

Sakshandsamar Ørnulf Lillestøl	Arkiv FE-033	Arkivsak 15/148
--	------------------------	---------------------------

Politisk organisering

Saka gjeld

1. Nedlegging av driftsutvalet
2. Reduksjon i ordførarverv frå 100% til 80 %
3. Vurdering av
4. Samanslåing av Eldreråd og Råd for menneske med nedsett funksjonsevne

Opplysningar til saka

I samband med budsjetthandsaming hausten 2014 for budsjett 2015 vart desse tema omhandla.

Tiltak 1. vart vedteke i driftsutvalet 26.11.14 og vidareført i vedtak i formannskapet. Tiltak 2. vart samrøystes vedteke i formannskapet.

På bakgrunn av desse vedtaka vart løyvinga til rammeområdet 100 «Politisk styring og kontroll» redusert med 100.000,-

I tillegg innheldt denne saka spørsmål om å slå saman Eldrerådet og Råd for menneske med nedsett funksjonsevne. Dette er eit av mange konkrete tiltak omhandla av Agenda Kaupang i deira arbeid med å greie ut kostnadsreduserande tiltak.

Lover/regelverk

Kommunelova § 10 (vedk oppretting/nedlegging av utval)

6. Kommunestyret og fylkestinget kan selv når som helst omorganisere eller nedlegge faste utvalg og komiteer. En komité kan også omorganiseres eller nedlegges av det organ som har fått myndighet til å opprette vedkommende komité

Lov om Eldreråd

§ 4 a. (Skiping av felles råd med menneske med nedsett funksjonsevne)

Kommunane kan vedta å opprette felles råd for eldre og menneske med nedsett funksjonsevne. Kommunestyra vedtek mandatet for og samansetjinga av råda. Ved val av representantar for eldre og menneske med nedsett funksjonsevne skal organisasjonane deira ha rett til å kome med framlegg. Leiaren og nestleiaren for rådet blir oppnemnde av kommunestyret. Elles gjeld reglane i denne lova og lov 17. juni 2005 nr. 58 om råd eller anna representasjonsordning i kommunar og fylkeskommunar for menneske med nedsett funksjonsevne m.m. så langt dei høver.

Budsjettvedtak

Finansiering

Saka omhandlar inndekking i høve rammer i vedtatt budsjett.

Sakshandsamar si vurdering

Driftsutvalet

Sakshandsamar tek vedtak i Driftsutval og Formannskap til etterretning når det gjeld nedlegging av Driftsutvalet og fremjer denne saka. I tillegg til naudsynt budsjettinndekking nyttar ein også administrative ressursar til å førebu saker, gjennomføre møter og etterarbeid. Viser også då til vedtak om reduksjonar i administrasjonen. Det er løpande strenge prioriteringar knytt til kva oppgåver administrasjonen kan påta seg no og dette vil verte forsterka utover budsjettåret. Spørsmål om kommunen skal ha faste utval som Driftsutvalet er i stor grad ei politisk sak. Sakshandsamar vurderer det slik at det enten bør leggjast ned eller så bør ansvar og myndigheitsområde klarleggjast.

Møtegodtgjersle

I gjeldande reglement for godtgjering er satsane relatert til rådmannen si løn. Dette er etter kvart meir uvanleg og dei fleste kommunar nyttar stortingsrepresentantar si fastsette løn som grunnlag. Å nytte rådmannen si løn som grunnlag kan skape vanskar ved fastsetjing av løn ved skifte og ved lønsjusteringar.

Det kan også skape habilitetsvanskar når ordførargodtgjersla skal samsvare med rådmannen si løn dersom ordførar skal delta i drøftingar om å fastsetje rådmannen si løn.

Det vart våren 2014 starta opp eit arbeid med å gjennomgå satsene og reglane for godtgjersle. I den samanheng vart det henta inn informasjon frå andre kommunar. Samanlikningane syner at Selje ligg på eit «normalt» nivå på godtgjersle. Det er etter rådmannen si vurdering viktig å ha eit akseptabelt nivå på godtgjersle for å sikre rekruttering til politiske verv, og sikre at det å delta ikkje vert ei belastning for dei som deltek.

Ordførar

Spørsmål om ordførarvervet er også i stor grad ei politisk sak. Sakshandsamar meiner at dette spørsmålet også bør klargjerast i god tid før kommunevalet. På denne måten vert vilkår og rammer for den som vert valgt til vervet klargjort på førehand.

Storleik på ordførarvervet har også vore drøfta i kommunestyret. Sist i samband med budsjett 2014. Frå rådmannen sin ståstad er det viktig å ha ein ordførar som er tilgjengeleg. Dette er særst viktig i ein periode der ressursane i administrasjonen er pressa og redusert på områda som tradisjonelt grensar opp mot ordførarrolla på næring og utviklingsarbeid. Som omtala under punktet om godtgjersle bør ordførargodtgjersle relaterast til stortingsrepresentantar si løn. Dette er også vanleg i andre kommunar med fastsetjing av nivå til kring 85 % av denne løna.

Rådmannen kjem ikkje med konkret framlegg om reduksjon i storleik på dette vervet no. Ein reduksjon til 80 % vil gje eit godtgjerslenivå på 588.268,- med utgangspunkt i 85 % av stortingsrepresentantar si løn. Dette vil innebere ein reduksjon på nærare 200.000,- i høve nivå inneverande valperiode.

Samanslåing av Eldreråd og Råd for menneske med nedsett funksjonsevne

Argumenta for å slå saman desse utvala er effektivisering. Utvala har i mange samanhengar tilsvarende saker til handsaming og det vil vere ei innsparing både i arbeidstid til førebuing og etterarbeid samt til møtegodtgjersle. Som omtala i innleiinga er dette også noko av bakgrunnen for at ein i lovsamheng har opna for ei samanslåing av desse utvala.

Samla sett vil desse reduksjonane då ikkje innfri budsjettvedtak fatta av kommunestyret. Det er likevel så langt rådmannen finn det tilrådeleg å føreslå kutt innanfor dette området. Eventuelle behov for revisjon/budsjettendringar må vedtakast i junimøtet under handsaming av samla budsjettrevisjon.

Konklusjon

Nivå på godtgjersle til folkevalde vert uendra, men grunnlag for fastsetjing og justering av satsane vert endra til stortingsrepresentantar si løn. (865.100,- frå mai 2014)

Frå neste valperiode vert ordførar si godtgjersle fastsett til 85 % av stortingsrepresentantar si løn. (735.335,- før justering mai 2015)

Frå neste valperiode vert driftsutvalet lagt ned. Kommunestyret handsamar sak om delegeringsreglement i møte i juni og tek då stilling til fordeling av oppgåver og mynde i dag lagt til utvalet.

Frå neste valperiode vert eldrerådet og råd for menneske med nedsett funksjonsevne slått saman.

For å halde kostnadene innanfor vedteke budsjett vil det vere naudsynt å vedta begge desse tiltaka eller greie ut andre tiltak. Sakshandsamar har ikkje sett andre realistiske tema/områder.

Kostnad til drift av Driftsutvalet var ca 85.000,- i 2014

Kostnad ordførargodtgjersle inkl avgifter ca 950.000,-

Saksgang

Handsaming i Driftsutvalet, Rådet for menneske med nedsett funksjonsevne. Eldrerådet, Formannskapet. Endeleg handsaming i Kommunestyret.

TILRÅDING FRÅ ADMINISTRASJONEN

1. Nivå på godtgjersle til folkevalde vert uendra, men grunnlag for fastsetjing og justering av satsane vert endra til stortingsrepresentantar si løn. (865.100,- frå mai 2014)
2. Frå neste valperiode vert ordførar si godtgjersle fastsett til 85 % av stortingsrepresentantar si løn. (735.335,- før justering mai 2015)
3. Frå neste valperiode vert driftsutvalet lagt ned. Kommunestyret handsamar sak om delegeringsreglement i møte i juni og tek då stilling til fordeling av oppgåver og mynde i dag lagt til utvalet.
4. Frå neste valperiode vert eldrerådet og råd for menneske med nedsett funksjonsevne slått saman.

Handsaming i Driftsutvalet - 08.04.2015

6 voterande

Røysting:

Tilråding frå administrasjonen fekk 6 røyster for. Samrøystes.

KU-017/15 FRAMLEGG

Som tilrådinga frå administrasjonen.

Handsaming i Råd for menneske med nedsett funksjonsevne - 09.04.2015

3 voterande

Framlegg frå Rådet for menneske med nedsett funksjonsevne:

Som tilrådinga frå administrasjonen.

Røysting:

Framlegg frå Rådet fekk 3 røyster for. Samrøystes.

RFF-005/15 VEDTAK

Som tilrådinga frå administrasjonen.

Samrøystes.

